

下此可革

侵盜民間預備倉糧滿貫爲民調衛不滿貫照
常例發落

成化十六年 月 日都察院爲公務事戶部咨本
院會同各部都察院太子太保吏部尚書等官尹
等議該提督廂門等閑兼巡撫山西地方都察院右
副都御史何 題一件修舉荒政以禦災切惟洪武
年間州縣衛所各置倉廩積貯有法出納有時雖有
旱澇之災民無飢饉之患

皇上嗣位屢下

明詔修舉荒政凡州縣官考滿赴部俱開具倉廩實數
以憑點陟立法非不嚴且密也柰何所在非人累不
加意近因延歷所屬查得各州縣預備倉糧多者數
千石少者二三百石甚至倉廩枵然全無顆粒詢其

所以蓋放出之際官吏不行用心查審以致里老書手通同作弊或將逃死絕人戶妄報閑支或項貧難人戶姓名赴倉冒領及至追收之時庸鄙官員以催徵多怨謗覺縱得美名因循度日並不經理考滿所開倉儲不過虛數遂使

國家良法美意沒以廢弛間遇荒歉民無所仰官無所措查得巡撫河南左副都御史王 奏稱里書人等冒支預備倉糧要行禁約該戶部議奏今後放支賑濟官吏里書人等取財受財侵盜倉糧不分賍數多少俱發口外爲民官吏枉法滿貫充軍等因已經通行外但行之年久人心玩忽令無申明前例遍查各處預備倉糧原額幾何欠米幾何中間若有詐冒閑支者許其自首秋後照數還官免其問罪若隱情

不首或體訪得出或人告發究問明白犯在革前者官吏里書人等俱照常例發落革後者仍照常例發口外爲民官吏枉法滿貫充軍等因具

奏該各官會議奏

往查行禁約備由移咨劄付到院查得先奉本院劄付該刑部等衙門議一件嚴法令以革逆倉宿弊事該巡撫甘肅御史朱 奏今後盜賣逆境錢糧犯該監守自盜常人滿貫斬絞罪者不分軍民舍餘人等俱發邊衛充軍流罪以下俱照常例發落又一件查革弊該巡撫河南左副都御史王 奏要將放支賑濟糧米官吏里老書手人等犯該侵盜倉糧不分賍數多少俱發口外爲民等因俱已奏

准通行遵守去後今該前因查呈到院臣等會同刑部大

理寺太子少保尚書等官林臣等議得事休既有輕重法令貴乎適中竊惟边境倉糧專爲供給軍餉最爲緊急此於民間預備賑濟倉糧不同遇有侵盜止照常例發落今又侵盜預備倉糧不分賍數多少一繫俱發口外爲民不無輕重失倫人難遵守除官吏受枉法賍滿貫者俱照見行事例施行及查究閩過賑濟倉糧行移送巡撫右副都御史何從宜處置外合無通行內外問刑衙門今後遇有侵盜民間預備倉糧至滿貫犯該斬絞罪者追糧完日官吏里老善手人等發口外爲民旗軍舍餘人等調邊衛差操職官有犯監候奏

請發落若賍不滿貫犯該徒流以下者加陪追糧還官照

依常例發落如此則情法允當刑名適中緣係會議斟酌條例事理本院等衙門右都御史等官戴等具題奉

聖旨欽此欽遵

通行內外問刑衙門遇有侵盜民間預備倉糧賍至滿貫犯該斬絞罪者追糧完日官吏里老人等發口外爲民旗軍舍餘人等調邊衛差操職官有犯奏

請發落若賍不滿貫犯該徒流以下者加陪追糧還官照常發落例

成化十八年二月初九日都察院等衙門右都御史等官戴等

題爲公務事山西道呈奉本院劄付准戶部咨本部會